Ngayong Ikaw Na Ay Ipinanganak Na Muli



NGAYONG IKAW NA AY IPINANGANAK NA MULI

Chris Oyakhilome, D.Sc., D.D

All scripture quotations in this volume are from the King James Version of the Bible unless otherwise indicated. 2nd Edition. 2013

Fifth Printing, 2019

ISBN 978-978-51521-0-4 Copyright © 2006 LoveWorld Publishing

Published by: LoveWorld Publishing

3, Adebayo Akande Street, Oregun, Ikeja, Lagos, Nigeria.

Email: info@loveworldbooks.org Website: www.loveworldbooks.org

UNITED KINGDOM:

Unit C2, Thamesview Business Centre Barlow Way, Rainham, RM13 8BT

Tel: +44(0)170 855 6604

NIGERIA:

Christ Embassy Plot 97, Durumi District,

Abuja, Nigeria.

Nigeria:

Plot 22/23 Billings Way, Oregun, Ikeja, Lagos. Tel: +234-808 586 5700,

> +234-817 198 7339 +234-802 478 9892-3

Usa.

Christ Embassy Houston 8623 Hemlock Hill Drive Houston Texas 77083

Tel: +1-281-829-4443;

+1-281-372-8100

CANADA:

4101 Steeles Ave W, Suite 204 Toronto, Ontario

Canada M3N 1V7 Tel: +1-416-746 5080

SOUTH AFRICA:

303, Pretoria Avenue Cnr. Harley and Braam Fischer, Randburg, Gauteng South Africa.

Tel: +27 | 1 326097 | +27 | 1 3260972

email: info@loveworldbooks.org website: www.loveworldbooks.org

All rights reserved under International Copyright Law. Contents and/or cover may not be reproduced in whole or in part in any form without the express written permission of LoveWorld Publishing Ministry.

Mga Nilalaman

Ι.	ANG TOTOONG IKAW	7
2.	IKAW AY ISANG BAGONG NILALANG	13
3.	Mayroon Kang Katangian at Buhay	
	NG PANGINOONG DYOS!	15
4.	IKAW ANG KATUWIRAN NG PANGINOONG DYOS!	19
5.	IKAW AY GINAWANG MATUWID!	21
6.	IKAW AY GINAWANG BANAL!	23
7.	IKAW AY GIINAWANG MALA	27
8.	Ang Espiritu Ng Panginoong Dyos	
	Ay Nananahan Sa'yo!	29
9.	Ano Ang Iyong Ginagawa Kapag	
	Ang Mga Maling Kaisipan ay Pumapasok Sa Iyong Isip?	31
10.	Ano Ang Iyong Ginagawa Kapag Ang Mga Dating Kaibig	AN
	Ay Sinusubukang Pahinain Ang Iyong Loob?	41
П.	Ano Ang Iyong Ginagawa Kapag Ang Mga Pagpapahirap	
	At Mga Pagdadalamhati ay Dumating?	49
12.	Ang Banal Na Espiritu At Ikaw!	57
13.	KAILANGAN MO BANG PUMUNTA SA SIMBAHAN?	69

Mahal kong Minamahal,

Congratulations, ako'y bumabati sa libreng regalo ng walang hanggang kaligtasan na iyong natamo nang tinanggap mo si HesuCristo bilang iyong Panginoon at Tagapagligtas.

Nais kong ibahagi sa'yo ang mga katotohanan na mahalaga sa pananampalataya ng Kristyano; mga katotohanan na kung saan ay maaari kang magtayo ng matatag at mataginting na buhay kay Cristo. Pag-aralan ang materyal na ito ng masigasig at ito ay magkakaloob sa'yo ng walang hanggang ani.

Ipinapanalangin ko na ibibigay sa'yo ng Panginoong Dyos ang Espiritu ng karunungan at rebelasyon sa kaalaman Niya; na ang mata ng iyong pang-unawa ay maliliwanagan upang maunawaan kung gaano kadakila ang pagasa na kung saan ay tinawag ka Niya, at ng

malaman mo ang lahat ng libreng ibinigay sa'yo kay Cristo, Amen.

Ang materyal na ito ay tutulong sa'yo na umpisahan ang iyong panibagong buhay kay Cristo Hesus. Sa pag-aaral mo nito, tingnan at basahin ang iyong Bibliya at pag-aralan ang mga banal na kasulatan.

Naniniwala ako na ang mensahe na nakapaloob dito ay magpapabago sa iyong buhay at tutulong na huhubog sa iyong kinabukasan ayon sa mga prinsipyo ng Salita ng Dyos.

Pagpalain ka nawang masagana ng Panginoong Dyos, sa Pangalan ni Hesus. Amen.

Rastor Chris Oyakhilome

ANG TOTOONG IKAW

Ikaw ay mas higit pa sa katawan na nakikita mo. Ikaw ay mas higit pa sa lalagyan na naglalaman ng iyong mga pandama (ang iyong paningin, pandinig, pandamdam, panlasa at pang-amoy). Sa loob mo, may isang bagay, sa katunayan, isang taong mas higit pa kaysa sa iyong katawan. Ito ay ang iyong espiritung pagkatao, at 'yan ang totoong ikaw.

Ang panloob na pagkataong ito ay ang taong tinutukoy ng Bibliya sa 1 Pedro 3:4 "Kundi ang pagkataong natatago sa puso na

may damit na walang kasiraan ng espiritung maamo at payapa..."

Kapag ang katawan ng tao ay namatay, ang kaniyang espiritu ay mananatiling buhay. Siya ay gaya pa rin ng tao bago pa man siya namatay; hindi niya nawala ang anuman maliban sa nawala niya ang abilidad na gumana sa pisikal na mundo. Ang kaniyang katawan ay marahil patay na ngunit ang tunay na tao, ang espiritung pagkatao ay mayroon pa ring lahat ng kamalayan na mayroon siya bago pa man siya namatay.

Isinalaysay ni HesuCristo ang isang kwento sa Lucas Kabanata 16 tungkol sa dalawang tao na namatay. Ang isa ay isang pulubi na nagngangalang Lazarus. Ang punto ay hindi dahil siya ay isang pulubi, kundi kahit na siya ay mahirap, siya'y mayroong pusong matuwid. Nang siya ay namatay, siya ay napunta sa piling ni Abraham. Ang pangalawang tao ay namatay rin. Ang taong 'yan ay naging mayaman sa

mundo, ngunit hindi siya namuhay sa matuwid na buhay.

Pansinin na nang siya ay namatay, ang kaniyang katawan ay inilibing sa lupa, ngunit sinabi ni Hesus na sa impyerno, tumingala Siya at natanaw si Lazarus sa piling ni Abraham at nakilala niya si Lazarus. Ito'y nangangahulugan na siya ay nakakakita pa rin. Pagkatapos ay tinawagan niya si Abraham at sinabi, "Tulungan mo ako!" Tingnan mo, nakakapagsalita pa rin siya. Nagsalita si Abraham sa kaniya at narinig niya ang boses ni Abraham, na nagpapahiwatig na siya ay nakakarinig pa rin.

Ang mayamang tao ay nagsabi rin na siya ay nauuhaw, at hindi lamang siya nauuhaw, siya ay nasa matinding paghihirap. Kaya siya ay nakiusap, "Papuntahin mo si Lazarus at bigyan ako ng patak ng tubig upang pawiin ang aking uhaw." TMay isa pang bagay na kailangang pansinin dito – siya ay nakakaramdam pa rin.

Ang lahat ng kaniyang mga pandama ay

buo pa rin. Sa katunayan, natatandaan pa niya ang mga bagay sapagkat sinabi niya, "ipinapakiusap ko pong, magpadala po kayo ng isa sa mga patay na pumuntang mangaral sa aking mga kapatid." Siya ay mayroong limang kapatid sa lupa, kaya naisip niyang, "Marahil kapag ang isa sa mga patay ay pupunta sa kanila ay paniniwalaan nila ito." He remembered his brothers!

Naalala niya ang kaniyang mga kapatid!

Ito'y nagbibigay-alam sa'yo na ang espiritu ng tao ay mananatiling buhay. At kapag ang isang tao ay ipinanganak na muli, ang kaniyang espiritung pagkatao ang ipinanganak na muli!

Sinasabi sa 2 Corinto 5:17 - 18 na,

"Kaya't kung ang sinoman ay na kay Cristo, siya'y bagong nilalang: ang mga dating bagay ay nagsilipas na; narito, sila'y pawang naging mga bago. Datapuwa't ang lahat ng mga bagay ay pawang sa Dios, na pinakipagkasundo tayo sa

kaniya rin sa pamamagitan ni Cristo, at ibinigay sa amin ang ministerio sa pagkakasundo."

IKAW AY ISANG BAGONG NILALANG

Ngayon na ibinigay mo na ang iyong buhay kay HesuCristo at ginawa mo Siyang Panginoon ng iyong buhay, ikaw ay hindi na ang dating ikaw. Marahil ang iyong panlabas na itsura ay mukhang dati pa rin, ngunit sa loob, ikaw ay ganap na isang panibagong tao. 'Yan ang sinasabi ng Bibliya. Ikaw ay hindi 'gaya ng isang bagong nilalang,' kundi 'isang bagong nilalang' – isang bagong uri ng nilalang na hindi pa kailanman nabuhay noon (2 Corinto 5:17). Ikaw ay hindi binago, ginawang bago o

inayos; ikaw ay isang bagong nilalang – isang ganap na bagong tao. Gayunpaman, ang katotohanan na ikaw ay isang bagong nilalang sa loob ay hindi nangangahulugan na sa labas, ay magmumukha kang iba. Kapag ikaw ay may maikling buhok bago ka ipinanganak na muli, ang ayos ay mananatiling maikli. Ikaw ay mananatili pa rin na may trabaho, pamilya at mga kapit-bahay.

Ang punto gayunpaman ay, ngayon ang iyong mga paniniwala ay nagbago. Mayroon kang bagong mga itinakdang mga paniniwala sapagkat ikaw ay bagong tao sa loob.

MAYROON KANG KATANGIAN AT BUHAY NG PANGINOONG DIYOS!

Bilang ipinanganak na muli, ibinigay sa'yo ng Panginoong Dyos ang kapangyarihan na maging Kaniyang anak (Juan 1:2). Ang katangian ng Dyos ay ibinahagi sa iyong espiritung tao. Ikaw na ngayon ay mayroong panibagong buhay; ang buhay ng Dyos na ginawang available ni HesuCristo sa bawat isa na naniniwala sa Kaniya. O Kaygandang pribilehiyo! Ikaw sa gayon ay kabahagi ng katangian ng Dyos (2 Pedro 1:3-4).

Ang Panginoong Dyos na ngayon ang iyong

Ama! Paano? Ang katangian ay binuong muli sa pamamagitan ng kapanganakan. 'Yan ang dahilan kung bakit ang aso ay palaging nanganganak ng isang aso. At sinasabi sa Juan 1:12-13 na "Datapuwa't ang lahat ng sa kaniya'y nagsitanggap, ay pinagkalooban niya sila ng karapatang maging mga anak ng Dios, sa makatuwid baga'y ang mga nagsisisampalataya sa kaniyang pangalan: Na mga ipinanganak na hindi sa dugo, ni sa kalooban ng laman, ni sa kalooban ng tao, kundi ng Dios."

Ang Panginoong Dyos ay may likas na ugali ng pagiging magulang sa iyo. Ikaw ay miyembro ng Kaniyang sambahayan, at kung gayon ay mamamayan ng Langit kung saan siya nakatira.

Ang Dyos ay may pananagutan para sa'yo. Tutustusan Niya ang lahat ng kailangan mo ayon sa Kaniyang hindi nauubos na mga kayamanan sa kaluwalhatian sa pamamagitan

ni Cristo Hesus (Filipos 4:19). Mayroon siyang mabuting plano para sa'yong buhay, na kung saan ay itinakdang mangyari sa sandaling ikaw ay ipinanganak na muli. Ikaw ay mahal na anak ng mapagmahal na Dyos, at ikaw ay ipinanganak sa mapagmahal na pamilya. Ito ay napakahalaga. Ibinigay Niya sa'yo ang bagong buhay na ito upang maging miyembro ng Kaniyang Kaharian.

Ipinapahayag ng Bibliya na ang Dyos ay binigyan ka ng buhay na walang hanggan. Ito ang buhay na mayroon sa loob ng Dyos, na kung saan nagiging posible para sa Kaniya na maging kung Sino Siya. Ito ang uri ng buhay-ng-Dyos. Ang buhay na ito ay ginawang imposible para sa libingan na pigilan si HesuCristo. Ito ang buhay ng muling pagkabuhay, at ang buhay na ito ngayon ay nasa iyo!

"At ito ang patotoo, na tayo'y binigyan ng Dyos ng buhay na walang hanggan, at ang buhay na ito ay nasa Kaniyang Anak. Ang kinaroroonan ng Anak ay kinaroroonan ng buhay; ang hindi kinaroroonan ng Anak ng Dyos ay hindi kinaroroonan ng buhay. Ang mga bagay na ito ay isinulat ko sainyo, upang inyong malaman na kayo'y mayroong buhay na walang hanggan, samakatuwid ay sa inyong pananampalataya sa Pangalan ng Anak ng Dyos" (I Juan 5:11-13).

Ang taong mayroon lamang ng ANAK ang mayroon nitong buhay, sapagkat ang buhay na ito sa katunayan ay nakapaloob sa Anak ng Dyos. Kapag tinanggap mo Siya, tinanggap mo ang buhay na ito.

Ang buhay na ito ay ginagawang imposible para sa'yo na matalo sa anumang sitwasyon. Ito'y laging magpapanalo sa'yo. Isipin mo lamang ang tungkol dito! Imposible para sa Dyos na masira at matalo. Ngayon mayroon ka ng buhay Niya: hindi ka maaaring masira o matalo, dahil ang parehong Espiritu na bumuhay kay HesuCristo mula sa mga patay ay nananahan sa'yo! (Romano 8:11).

Ikaw Ang Katuwiran Ng Dyos!

Sinasabi sa 2 Corinto 5:21 na "Yaong hindi nakakilala ng kasalanan ay Kaniyang inaring may sala dahil sa atin: upang tayo'y maging sa Kaniya'y katuwiran sa Dyos." Isipin ang Panginoong Dyos na sumasagawa ng tinatawag na 'nature-transplant.' Itinuring Niyang nagkasala si Hesus (iyan ay, ang pagaalay ng kasalanan) para sa atin, upang tayo'y maging sa Kaniya'y katuwiran ng Dyos.

Ito ang dahilan kung bakit naging posible para kay Hesus na mamatay ng kamatayan ng isang makasalanan sa iyong lugar. Ang resulta ay maari ka na ngayong humarap sa Dyos na walang anumang pakiramdam ng pagkakasala, takot, o pakiramdam ng kababaan (Hebreo 10:19, Romano 5:1).

IKAW AY GINAWANG MATUWID!

Ano ang kahulugan ng ginawang matuwid? Ito'y nangangahulugan na idineklarang 'walang sala.' Pagdating sa Dyos, ikaw ay walang pagkakasala sa anumang kasalanan. Sinasabi ng Bibliya na, "Yaman nga na mga inaaringganap sa pananampalataya, mayroon tayong kapayapaan sa Dyos sa pamamagitan ng ating Panginoong HesuCristo:" (Ikaw na ay pinawalang-sala!

Kinuha na ni Hesus ang parusa para sa iyong mga kasalanan noong Siya ay namatay sa Krus, kahit na Siya ay walang pagkakasala sa anumang kasalanan (1 Pedro 2:22). Iyan ang dahilan kung bakit ang Dyos ay hindi na pinanghahawakan ang iyong mga kasalanan laban sa'yo. Sinasabi ng Bibliya na,"

"Sa makatuwid baga'y, na ang Dyos kay Cristo ay pinakipagkasundo ang sanglibutan sa Kaniya rin, na hindi ibinibilang sa kanila ang kanilang mga kasalanan, at ipinagkatiwala sa amin ang salita ng pagkakasundo" (2 Corinto 5:19).

IKAW AY GINAWANG BANAL!

Ipalagay natin sandali na ikaw ay nahulog sa kanal, ikaw ay naging maduming-madumi at may isang taong dumating at sinagip ka – iyan ay, "kinuha ka mula sa kanal" Ang susunod na gagawin mo ay ang linisin ang iyong sarili. Sa ibang salita, "alisin ang kanal sa'yo," at 'yan ay nangangailangan ng oras at pagsisikap.

Sinasabi sa 1 Corinto 6:11 na

"...ngunit nangahugasan na kayo, ngunit binanal na kayo, ngunit inaring-ganap na kayo sa Pangalan ng Panginoong HesuCristo, at sa Espiritu ng ating Dyos. Ang pagiging banal ay nasa dalawang bahagi: una, kinukuha ka ng Panginoong Dyos mula sa kanal, ibig sabihin ikaw ay ipinanganak na muli at kaagad, ang Bibliya ay idinedeklara kang banal; hiniwalay mula sa mundo tungo sa Dyos. Pagkatapos ay kailangan mong alisin ang dumi ng kanal sa'yo sa pamamagitan ng pagsasailalim ng iyong isip sa isang paghuhugas (pagpapanibago) na proseso sa pamamagitan ng Salita ng Dyos (Romano 12:2).

Ang pagpapanibago ng iyong isip ay isang patuloy na proseso. Ang iyong isip ay sinanay na mag-isip sa isang paraan: na pisikal na makita ang mga bagay bago maniwala. Ngayon, sa pamamagitan ng pagbabago ng iyong isip, pinahihintulutan mo ang iyong isip na makita ang mga bagay sa paraan ng Dyos. Sinasanay mong muli ang iyong isip na makita

ang mga bagay mula sa perspektibo ng Dyos. Pagkatapos ay sasalitain mo ang mga salita ng Dyos, ang mga paraan ng Dyos at kunin ang mga resulta na nakukuha Niya sa Kaniyang Salita.

IKAW AY GINAWANG MALAYA!

."Na nagpapasalamat sa Ama, na nagpaging dapat sa atin upang makabahagi sa mana ng mga banal sa kaliwanagan: Na Siyang nagligtas sa atin sa kapangyarihan ng kadiliman, at naglipat sa atin sa kaharian ng Anak ng Kaniyang pagibig:" (Colosas 1: 12-13).

Sa sandaling ibinigay mo ang iyong buhay sa Panginoong HesuCristo, ikaw ay naging miyembro ng kaharian ng Dyos. Walang dyablong lumabas sa impiyerno ang makakapinsala sa'yo ngayon. Ikaw ay malaya sa anumang tipan na kailanma'y pinasok mo,

sinasadya o 'di sinasadya. Ikaw ay malaya sa bawat kinagawian, kasalanan, sakit o karamdaman na kailanman ay kinukulong ka. Bakit? Sapagkat ikaw ay pinalaya mula sa mga kapangyarihan ng kadiliman!

Sinasabi ng Bibliya na ang Dyos ay pinalaya ka mula sa kontrol at kapangyarihan ng kadiliman at isinalin ka tungo sa Kaniyang Kaharian. Hindi mo na kailangang matakot muli. Ang Panginoong Dyos ang iyong Pastol at ang Kaniyang mata ng proteksyon ay palaging sumasa iyo (Mga Awit 23:1).

Sinasabi sa Bibliya na,: "Kung palayain nga kayo ng Anak, kayo'y magiging tunay na laya" (Juan 8:36). Dinala ka ng Dyos sa Kaniyang Kaharian. Dyan ka naroroon ngayon; dyan ka kabilang. Ikaw ay pinalaya na mula sa kapangyarihan ng kadiliman. Pansinin na ito ay nasa pangnagdaan – ikaw ay ginawa ng malaya mula sa kapangyarihan ng kadiliman!

ANG ESPIRITU NG PANGINOONG DYOS AT NANANAHAN SA'YO!

Isa pang dakilang bahagi ng panibagong buhay na ito ay ang Espiritu ng Dyos ay dumating upang manahan sa'yo. Nang ang Espiritu ng Dyos ay manirahan sa'yo, tinuturuan Ka niya sa Salita ng Dyos at binibigyan ka ng bagong pang-unawa ng Salita.

Kaya ngayon kapag pinag-aaralan mo ang Bibliya, mayroon kang bagong pang-unawa sa'yong sariling espiritu; ito ay nagiging angkop sa iyong buhay.

Ang isa pang bagay na ginagawa ng Banal na Espiritu ay ang ipaalala sa'yo ang Salita ng Dyos (Juan 14:26). At saka, binibigyan ka Niya ng kapangyarihan na maging epektibong patunay ng Ebanghelyo ni HesuCristo.

"Datapuwa't tatanggapin ninyo ang kapangyarihan, pagdating sa inyo ng Espiritu Santo: at kayo'y magiging mga saksi ko sa Jerusalem, at sa buong Judea at Samaria, at hanggang sa kahulihulihang hangganan ng lupa" (Mga Gawa 1:8).

Ano Ang Iyong Ginagawa Kapag....

Ang Mga Maling Kaisipan Ay Pumapasok Sa Iyong Isip

Ang pagiging ipinanganak na muli ay hindi ka pipigilan na matukso, ngunit hindi ka dapat magpasakop sa tukso. Itinuturo ng Bibliya na sa anumang oras na tayo ay sinusubok, ang Dyos ay laging nagbubukas ng daan ng pag-ilag (1 Corinto10:13). Kaya, kapag ang mga maling kaisipan ay pumasok sa iyong isip, kailangan mong:

(1) TANDAAN NA IKAW AY ISANG BAGONG NILALANG Ang mga kaisipang ito ay dumarating sa'yo bilang panlabas na pwersa, isang anyo ng tukso mula sa diyablo. Huwag mo silang yariin sa'yong isip, lalo na't ikaw na ngayon ay ipinanganak na muli. Sinasabi ng Bibliya na tayo (mga sumasampalatayang ipinanganak na muli) ay mayroong pag-iisip ni Cristo (1 Corinto 2:16). Kailangan mong tandaan kung sino ka ngayon, isang bagong nilalang! Nais ng Dyos palagi na tandaan nating tayo'y mga bagong nilalang, at ibinigay Niya sa atin ang panibagong buhay. Ang panibagong buhay na ito ay ang dapat mong paniwalaan.

(2) Mamuhay Sa Pagsunod

Sundin ang Panginoong Dyos! Ipalagay natin na ang kaisipan ng masamang ugali ay dumating sa'yo. Ang puwersa ay labis sa iyo na gawin ang maling bagay na iyan; maaring humantong ka ng mas higit pa sa mga simulang bahagi ng masamang gawain. Ngunit

doon mismo kapag iyong naalala na ikaw ay ipinanganak na muli; isang bagong tao, bigla kang nagkakaroon ng tapang at lakas ng loob upang isawalang bahala ito.

Sundin ang Panginoong Dyos! Nakita mo, bilang ipinanganak na muli ay hindi nangangahulugan na ang mga maling kaisipan ay hindi dumarating sa'yo, ngunit ang mahalaga ay huwag mo silang payagan na panghawakan ka. Tanggihan ang mga ito! Isang tao ang wastong nagsabi na, 'hindi mo mapipigilan ang mga ibon sa paglipad sa iyong ulo, ngunit sigurado ka na mapipigilan mo ang mga ito sa paggawa ng pugad d'yan!"

Maaring hindi mo mapipigilan ang mga kaisipang ito na sumasaiyo dahil ito'y mga panlabas na puwersa, ngunit maari mong pigilan ang mga ito sa pagtira sa iyo. Huwag hayaan ang mga maling kaisipan na tumira sa'yo, huwag mo silang hayaang magkaroon ng kapangyarihan o pananaig sa iyo. Maari mo

silang pigilan sa pamamagitan ng pag-iisip sa halip ng mga tamang bagay (Filipos 4:8).

Ipalagay na ikaw ay isang artista o performer at ang iyong papel ay gumanap bilang isang babae, kahit na ikaw ay tunay na isang lalaki. Ikaw ay magbibihis ng damit na pambabae at peluka o wig at gaganap at magsasalita gaya ng isang babae, ngunit hindi mo makakalimutan na ikaw ay isang lalaki pagkatapos ng palabas. Ikaw ay aalis sa entablado at babalik sa bihisan, magpapalit ng iyong tunay na damit at maglalakad sa daan. Kapag ikaw ay naghandang pumasok sa trabaho ng Lunes ng umaga, hindi mo maaring kalimutan na ikaw ay tunay na lalaki. Ikaw ay magsasalita na gaya ng lalaki at mabubuhay na gaya ng lalaki. Maging katawa - tawa na ikaw ay babalik sa trabaho na nagsasalita at kumikilos na gaya ng isang babae, tulad ng iyong ginawa habang gumaganap ka sa entablado noong isang gabi.

Ang parehong mga bagay ay naangkop sa iyo ngayon. Ikaw ay gumanap o kumilos sa maling paraan bago ka pa ipinanganak na muli, ngunit ngayon ikaw ay mayroong panibagong buhay. Ang panibagong buhay na iyan ay ang dapat mong isabuhay ngayon. Ginagampanan mo ang papel bilang isang babae sa mahabang panahon at minsan nakakalimutan mo ang iyong sarili at nagsisimulang gumanap o kumilos gaya ng isang babae. Ngunit pagkatapos ay naalala mong muli na ikaw ay tunay na lalaki at itinama mo ang iyong sarili. Ikaw ay nagkaroon ng kaalaman at nagsabing, "O, ako'y hindi isang babae; ako'y wala sa paggaganap sa entablado; kailangan kong maging totoo!"

Iyan ang paraan kung paano mo itigil ang isang masamang ugali o kinagawian. Sabihin sa'yong sarili, "Narito, ako ay ipinanganak na muli. 'Yan ang aking tunay na katangian!" Anuman ang masamang kinagawian, kapag naalala mo (at maaalala mo), TUMIGIL! Sabihin

sa iyong sarili, "Ako ay ipinanganak na muli! Itigil mo ito!"

Huwag hayaan ang pagpapaulit-ulit ng kasalanan na magpatuloy, at huwag mahiya na sabihin sa sinuman na kasangkot mo dito, "Pasensiya na, hindi ko ito magagawa kasi ako ay ipinanganak na muli." Alisin ang masamang mga kaugalian sa pamamagitan ng pagpapalit sa mga ito ng mga mabubuti. Gawin ito ng kusa. Hanapin ang maka-Dyos na karakter mula sa Salita ng Dyos at sanayin ang iyong sarili sa mga ito sa pamamagitan ng pagsasanay.

(3) Maging Tagagawa, Gawin Ang Salita!

Hindi nais ng Dyos na tayo'y mga tagapakinig lamang kundi mga tagagawa ng Salita

"Datapuwa't maging tagatupad kayo ng salita, at huwag tagapakinig lamang, na inyong dinadaya ang inyong sarili. Sapagka't kung ang sinoman ay tagapakinig ng salita at hindi tagatupad, ay katulad siya ng isang tao na tinitingnan ang kaniyang talagang mukha sa salamin: Sapagka't minamasdan niya ang kaniyang sarili, at siya'y umaalis at pagdaka'y kaniyang nalilimutan kung ano siya." (Santiago 1:22-24).

Nagiging tagagawa ka ng Salita kapag naaalala mo ang Salita at kumikilos ng naaayon. At maaalala mo ito palagi. 'Yan ang isa sa mga bagay na ang Banal na Espiritu ay ginagawa sa atin. Sinabi ni Hesus, "Datapuwa't ang Mangaaliw, sa makatuwid baga'y ang Espiritu Santo, na susuguin ng Ama sa aking pangalan, siya ang magtuturo sa inyo ng lahat ng mga bagay, at magpapaalaala ng lahat na sa inyo'y aking sinabi" (Juan 14:26). Salamat sa Dyos ang Banal na Espiritu ay nandirito; tinutulungan Niva tayong maalala ang Salita! Ngayon, kapag naaalala mo ang Salita, kailangan mong kumilos dito. Huwag mabahala tungkol sa pag-alala; ang Banal na Espiritu ay ipapaalala ito sa'yo.

Ngunit kailangan mong palaging maging handa na sundin Siya kapag dinala Niya ang mga katotohanang ito sa'yong isip.

(4) TANDAAN NA ANG KASALANAN AY WALANG DAPAT KAPANGYARIHAN LABAN SA'YO

YKailangan mong tandaan ang isang bagay: Ang mga maling kaisipan ay walang kapangyarihan na magtagumpay sa'yo maliban na lang kung papahintulutan mo ang mga ito.

"Sapagka't ang kasalanan ay hindi makapaghahari sa 'yo...." (Romano 6:14). Ang kasalanan ay hindi dapat makuha ang kapamunuan sa'yo. Ito ay hindi magwawagi, sapagkat ikaw ay hindi nakasailalim sa Kautusan kundi nakasailalim sa biyaya. 'Yan ang sinasabi ng Bibliya tungkol sa'yo.

Pinalaya ka na ng Dyos mula sa mga kapangyarihan ng kasalanan at ng kadiliman, at pinalaya ka tungo sa Kaniyang Kaharian Pinalaya ka na ng Dyos mula sa mga kapangyarihan ng kasalanan at ng kadiliman, at pinalaya ka tungo sa Kaniyang Kaharian: Na nagpapasalamat sa Ama, na nagpaging dapat sa atin upang makabahagi sa mana ng mga banal sa kaliwanagan; Na siyang nagligtas sa atin sa kapangyarihan ng kadiliman, at naglipat sa atin sa kaharian ng Anak ng kaniyang pagibig" (Colosas 1:12-13).

TD'yan ka naroroon, ngayong ikaw na ay ipinanganak na muli. At 'yan ang dahilan kung bakit ang mga kapangyarihan ng kadiliman ay hindi magkakaroon ng kapamunuan sa'yo; sila ay nasa kaharian ng kasalanan ngunit ikaw ay nasa kaharian ng buhay ng Dyos, na kung saan ay pumapalit sa kasalanan. Kaya nakikita mo, sila'y hindi maaaring magkaroon ng kapangyarihan sa'yo.

Sinasabi sa Colosas 1:14 na, "Na siyang kinaroroonan ng ating katubusan, na siyang kapatawaran ng ating mga kasalanan."

Kay Cristo Hesus tayo ay mayroong kaligtasan sa kasalanan. Ito ang ating kasalukuyang pagtataglay (Efeso 2:5-6). Hindi natin sinusubukang magkarooon nito, mayroon tayo nito ngayon! Kailangan nating panatilihin ang kamalayang ito ng Salita ng Dyos at magalak dito.

Anong Gagawin Mo Kapag...

ANG MGA DATING KAIBIGAN AY SINUSUBUKANG PAHINAIN ANG IYONG LOOB?

Ngayong ikaw na ay ipinanganak na muli, ikaw ay kasapi sa isang panibagong pamilya. Hindi ka na kasapi sa'yong dating pamilya. Ito ay hindi nangangahulugan na kailangan mong lubusang abandonahin ang mga dating kaibigan at mga kakilala na 'yun o ayawan sila. Kailangan mong maging liwanag sa kanila. Sila'y nasa kadiliman pa rin, dahil wala sa kanilang puso si HesuCristo. Kailangan mong tandaan na ikaw ay naging liwanag ng Dyos sa kanila. Ibahagi ang Ebanghelyo sa kanila para

maari rin nilang sundin si Hesus.

Ano ang dapat mong gawin kapag sinusubukan nilang pahinain ang iyong loob? Sinasabi ng Bibliya na sa mga huling araw ay darating ang mga manunuya na gagawin ang bawat masasama na maari nilang maisip at pagtatawanan ang katotohanan (2 Pedro 3:3-4).

Ang mga manunuya ay ang mga taong nagpapahina ng loob mo at dadalhin ka pabalik sa dating buhay, ngunit kailangan mong tumanggi na matinag sa kanila. Tumangging payagan ang kanilang kaugalian na malagay sa landas ng iyong pakikisama kay Cristo. Tumangging "makisama" sa kanila. Huwag tanggapin ang kanilang payo. Sa halip, panatilihin ang iyong paninindigan para sa Dyos at sa Kaniyang Salita.

HINDI PAREHONG PAGSASAMA

Sa mga unang araw ng mekanisadong pagsasaka, ang isang magsasaka ay pagsasamahin ang dalawang hayop, halimbawa, dalawang asno o dalawang baka, at ikakabit ang mga ito sa araro. Ang dalawang hayop ay aararuhin ang lupa habang sila ay gumagalaw na magkasama. Dahil sila ay pinagsama, ang dalawang hayop ay kailangang gumalaw sa parehong direksyon, saan man pupunta ang isa, ang pangalawa ay pupunta rin. Ang magsasaka ay pinapatnubayan ang mga ito at sila ay dapat pumunta sa parehong direksyon, hangga't sila ay nasa ilalim ng parehong pamatok.

Ngayon kung parehas silang mga asno, ito ay tinatawag na 'pareho na pagsasama' ngunit kapag ang isa ay isang asno at ang isa ay isang baka, ito ay tinatawag na 'hindi pareho na pagsasama' (dahil hindi sila nasa parehong uri). Kung tayo ay pasasamahin sa sinuman,

ito'y dapat maging 'pareho na pagsasama,' iyan ay, isang Kristyano at isang Kristyano na magkasamang namumuhay sa pakikisama.. Ngunit kung ang isang Kristyano at isang hindi Kristyano ay nasa magkasamang nakikisama, sila ay hindi parehong pinagsama. At nagsasabi ang Dyos na, "Huwag na kayong makipag-isa sa mga 'di sumasampalataya" (2 Corinto 6:14-16 MBB).

Kaya alam mo, kung ikaw at ang isang 'di sumasampalataya ay nasa pagsasama, na nabubuhay sa parehong buhay, kung gayon ay ikaw ay nasa isang pagsasamang hindi pareho, at ito ay mali. Hindi ka nais ng Dyos na nasa pagsasamang hindi patas, kundi sa patas na pagsasama sa ibang mga Kristyano, na ginagawa ang mga parehong bagay. Ang mga 'di sumasampalataya ay hindi maaring maging iyong matalik na mga kaibigan. Gaano man kabuti ang isang tao, hangga't sa siya ay hindi ipinanganak na muli, hindi siya maaring

maging iyong matalik na kaibigan.

Ito ay imposible at hindi katanggap-tanggap sa harapan ng Dyos, dahil ito ay isang hindi parehong pagsasama. Ang iyong pagsusuri sa isang indibidwal ay hindi kailanmang masusukat sa pagsusuri ng Dyos.

Minsan, ipinadala ng Dvos si Samuel sa bahay ni Isai upang pahiran ang isa sa kaniyang mga anak bilang Hari ng Israel (1 Samuel 16: 1-13). Nang Makita ni Samuel ang panganay ni Isai, na si Eliab, sinabi ni Samuel, "Tunay na ang pinahiran ng Panginoong Dyos ay nasa harapan Niya, "sapagkat siya ay malaki, matangkad at guwapo. Ngunit nagsalita ang Dyos sa Propeta at sinabi, "Huwag mo siyang pahiran, sapagkat aking itinakuwil siya." Pagkatapos ay sinabi Niya, sapagkat ang tao ay tumitingin sa mukha, ngunit ang Panginoong Dyos ay tumitingin sa puso, ang panloob na katauhan." Kaya ang iyong pagsusuri sa isang indibidwal ay dapat na mas higit pa, batay sa kaniyang panlabas na hitsura -kung ano ang sinasabi niya, anong itsura niya, kung paano siya maglakad... Mabubuo mo ang lahat ng mga uri ng opinyon tungkol sa kaniya batay sa mga ito, ngunit nakita mo, ang Panginoong Dyos ay tumitingin sa panloob na hitsura.

Ang isang taong hindi ipinanganak na muli av walang tamang espiritu sa Dyos. Ang tanging paraan kung saan ang isang tao ay magiging tama sa Dyos ay ang maging ipinanganak na muli. Ito lamang ang pagkakataong ang tao ay magiging karapat - dapat na maging matalik mong kaibigan. Hanggang hindi pa siya ipinapanganak na muli, hindi siya maaring maging matalik mong kaibigan; hindi siya magiging karapat - dapat sa pamantayan ng Dyos na maging matalik mong kaibigan. Ngayong ikaw na ay ipinanganak na muli, ang iyong hangarin ay dapat na kaluguran ng Dyos, kaya hindi mo dapat gamitin ang iyong mga sariling pamantayan. Ito ay napakahalaga.

Panatilihin ang iyong puso sa Dyos at babantayan ka Niya hanggang sa dulo (1 Corinto 10:13).

Ano Ang Iyong Gagawin Kapag....

Ang Mga Pagpapahirap At Mga Pagdadalamhati Ay Dumating?

Sa Marcos 4: 1-9, sinabi sa atin ni Hesus ang tungkol sa parabola ng maghahasik. Ang lalaki ay yumaon upang maghasik ng kaniyang mga binhi at ang ilan ay nahulog sa batuhan, ang ilan ay sa matigas na lupa, ang ilan ay nahulog sa dawagan at ang iba ay sa mabuting lupa. Sa talata 16 & 17, sinasabi ng Bibliya na,

"At gayon din naman itong mga nahasik sa batuhan, na, pagkarinig nila ng salita, pagdaka'y nagsisitanggap na may galak; At hindi nangaguugat sa kanilang sarili, kundi sangdaling tumatagal; kaya't pagkakaroon ng kapighatian o ng mga paguusig dahil sa salita, pagdaka'y nangatisod sila.

Siya ay tumutukoy sa mga taong walang simulain sa kanilang mga sarili, Kung kaya't nakaranas ng paghihirap pansamantala. Sinasabi Niya na kahit na ang mga taong yaon ay masigasig na tanggapin ang Salita, kapag ang mga pagdadalamhati o pagpapahirap ay umusbong para sa kapakanan ng Salita, sila ay nasasaktan. Ito ay nangyari na sa ilang mga tao.

Ang sinasabi ni Hesus dito ay maraming tao ang talagang walang malalim na pagmamahal para sa Kaniya. Sila ay nasasabik tungkol sa Salita ng Dyos dahil sa mga pangako ng buhay na walang hanggan, kasiyahan, at mga panalanging nasasagot, ngunit sila talaga ay

walang malalim na pagmamahal para sa Dyos. Kaya kapag ang mga pagpapahirap ay dumating, sila ay sumusuko. Ito ay nakakalungkot! Kapag ang mga pagpapahirap at mga pagdadalamhati ay dumating, ang kailangan mong gawin ay ang sundin ang Salita:

(1) KAILANGAN MAYROON KANG MALALIM NA PAGMAMAHAL SA DYOS

Nais ng Panginoong Dyos na ikaw ay magkaroon ng malalim, matibay na pagmamahal sa Kaniya. Ang pag-ibig ay maaring madagdagan o mabawasan. Sa higit mong pag-iisip sa Kaniya, pagdinig sa Kaniyang Salita at pagkaroon ng pakikisama sa Kaniya sa panalangin, ay mas lalong dakilang pagmamahal ang magkakaroon ka para sa Kaniya, sapagkat ang pag-ibig ay nadadagdagan kasama ng pagkakakilala. Sa higit mo pang pagkakakilala sa Dyos, ay mas lalo mo pa Siyang mamahalin.

Sa higit mo pang pagdinig sa Kaniyang Salita, ay lalo mo Siyang madidiskubre at mamahalin Siya, at pagkatapos ay labis pa sa Kaniya ang matatanggap mo.

Kapag mayroon ka nitong matibay na pagmamahal sa Dyos, ang Kaniyang Salita ay mag-uugat sa'yong puso, para kapag humarap ka sa anumang sitwasyon, alam mo ang katayuan ng Dyos patungkol dito at kaagad mong idedeklara ang paninindigan ng Dyos tungkol dito.

Sinasabi sa Bibliya na ang buhay at kamatayan ay nasa kapangyarihan ng dila (Kawikaan 18: 20-21), sapagkat sa kasaganaan ng puso ay nagsasalita ang bibig (Mateo 12: 34-35). Kapag pinuspos mo ang iyong puso ng Salita ng Dyos, anuman ang sitwasyon, makikita mo ang mga bagay sa pamamaraan ng Dyos at magsasalita ng parehas. At ito ay mangyayari!

(2) Huwag Sumuko!

Hindi ka dapat sumuko kapag ang mga problema ay dumarating! Ang pagiging ipinanganak na muli ay hindi nangangahulugan na ang mga problema ay hindi darating, maging ito'y nangangahulugan na walang mga pagsubok. Ang simpleng ibig sabihin nito ay sa harap ng lahat ng mga paghihirap, sa gitna ng lahat ng mga problema, aakayin ka ng Dyos palabas rito. Gaya ng sa Mga Awit 23:5:

"Iyong pinaghahandaan ako ng dulang sa harapan ng aking mga kaaway..." maaari ikaw ay nasa mismong harapan ng iyong mga kalaban ngunit hindi ka nila mawawasak: ang paghihirap ay hindi maaring wasakin ang iyong buhay!

Hindi ka nais sumuko ng Dyos. Kailangan mong tumayo ng matatag! Gaano man mukhang kahirap o kabigat ang mga bagay, huwag kailanman sumuko! Aakayin ka ng Dyos palabas rito, kaya huwag madismaya. Manatiling tapat sa Kaniya at hindi Ka niya kailanman bibiguin at pababayaan. Ikaw ay magtatagumpay sa bawat pangyayari ng buhay, sapagkat sila'y sasailalim sa'yo. Sinasabi sa Isaias 43: 2 na kapag ikaw ay dumaraan sa tubig hindi ka tatakpan nito at kapag ikaw ay lumalakad sa apoy hindi ka masusunog. Kapag sinunod mo si JesusCristo, paglingkuran mo Siya ng iyong buong puso; sundin mo Siya anuman ang mga hamon.

"Datapuwa't salamat sa Dios, na nagbibigay sa atin ng pagtatagumpay sa pamamagitan ng ating Panginoong Jesucristo. Kaya nga, mga kapatid kong minamahal, kayo'y magsitatag, huwag makilos, na laging sumasagana sa gawa ng Panginoon, yamang nalalaman ninyo na hindi walang kabuluhan ang inyong gawa sa Panginoon" (1 Corinto

15:57-58).

"Sapagka't ang sinomang ipinanganak ng Dios ay dumadaig sa sanglibutan: at ito ang pagtatagumpay na dumadaig sa sanglibutan, sa makatuwid ay ang ating pananampalataya" (I Juan 5:4).

Alam mo, binigay sa atin ng Dyos ang tagumpay sa pamamagitan ng ating Panginoong HesuCristo, kaya, hindi tayo maaaring maging mga talunan. Pag-aralan ng maigi ang 1 Juan 5:4; tinutukoy nito ang tungkol sa tagumpay na dumadaig sa sanglibutang ito, na kung saan ay ang ating pananampalataya. Mabuhay sa pamamagitan ng pananampalataya; ikaw ay isang mapagtagumpay, hindi isang talunan. Ikaw ay ipinanganak na mapagtagumpay, sapagkat ikaw ay ipinanganak ng Dyos. Ikaw ang supling ng Dyos, na ipinanganak ng Kaniyang Espiritu!

ANG BANAL NA ESPIRITU AT IKAW.

Ang pagiging ipinanganak na muli, ay pagiging ipinanganak ng Espiritu ng Dyos (1 Corinto 12:13, Juan 3:5-8) Nang ikaw ay ipinanganak na muli, ang Banal na Espiritu ay naging isang mahalagang bahagi ng iyong buhay, kaya kailangan mong malaman kung sino Siya at alamin ang Kaniyang gawain sa iyong buhay.

Kailangan mong intindihin kung ano ang Kaniyang ipinunta para ialok sa'yo, para maari mong matamasa ang masaganang buhay na mayroon kay Cristo at tanggapin ang kaloob (1 Corinto 12:8-10) at kapangyarihan (Lucas 24:49, Mga Gawa 1:4-8) na mayroon sa'yo sa pamamagitan Niya

SINO ANG BANAL NA ESPIRITU?

Sa iba't-ibang bahagi ng Bibliya, nakikita natin ang pagbanggit sa Banal na Espiritu.

- Sa lumang Tipan, nakikita natin Siyang ibinabahagi ang kapangyarihan at abilidad na gawin ang mga katangi-tangi (Mga Hukom 14: 6, 19).
- Sa Bagong Tipan, nakita natin Siyang mas tanyag sa pagkasilang, ministeryo at buhay ni Hesus (Lucas 4:18).
- Ang Banal na Espiritu ay nakita rin sa Mga Gawa 2:1-4 na nasa operasyon sa mga buhay ng mga disipulo ni Hesus.
- Siya ay Dyos. Siya ay isang Banal na persona at Siya ang pangatlong Persona sa Trinidad

(Juan 14:16-17, Juan 15:26).

- Siya ay buhay noon pa man (Genesis 1:2).
- Siya ang ekspresyon ng kapangyarihan ng Dyos. Sa ibang salita, Siya ang bahagi ng Dyos na tumutupad sa anumang mga salita na sinasalita ng Ama (Genesis 1).
- Siya ang Espiritu ng pag-ibig, kapangyarihan at ng kahusayan (2 Timoteo 1:7).
- Siya ang Espiritu ng kalayaan (2 Corinto 3:17).

ANO ANG HINDI BANAL NA ESPIRITU?

Mahalaga rin na itinatala na ang Banal na Espiritu ay HINDI isang puwersa, hangin, langis, o kalapati, kahit na mula sa Banal na Kasulatan, nakita natin Siyang sinisimbolo ng mga ito. Hindi Siya 'mga dila / salita' bagaman binibigay Niya ang pagbigkas upang magsalita. Hindi siya 'kapangyarihan,' ngunit dinadala Niya sa atin ang kapangyarihan ng Dyos. Hindi Siya ang Espiritu na na nagdadala sa'yong muli

sa pagkaalipin sa ikatatakot (Romano 8:15), ngunit ng kalayaan (2 Corinto 3:17).

BAKIT NATIN KAILANGAN ANG BANAL NA ESPIRITU?

- Ang Banal na Espiritu ay nagbibigay sa atin ng banal na kapangyarihan (Mga Gawa 1:8). Ang salitang ito na 'kapangyarihan' na isinalin mula sa salitang Griyego na 'dunamis,' sa katunayan ay nangangahulugang 'dinamikang abilidad upang magdulot ng mga pagbabago.' Ito ay kapag ang Banal na Espiritu ay dumarating upang manahan sa atin. Ibinibigay Niya sa atin ang abilidad upang baguhin ang mga bagay sa ating mga buhay at sa buhay ng iba.
- Ibinibigay Niya sa atin ang lakas ng loob upang ipangaral ang Ebanghelyo (Mateo 28: 18- 20, Marcos 16:15-18).

- Ginagabayan at pinapatnubayan Niya tayo (Juan 16:13, Romano 8:14).
- Pinagiginhawa Niya tayo (Juan 14:18, Mga Gawa 9:31). -Inaatasan at tinuturuan Niya tayo (Juan 14:26, 1 Corintos 2:11-12).
- Siya ay lumalakad kasama natin at nagiging isang bahagi ng ating araw-araw na buhay (Juan 14:16).
- Siya ay nagpapatotoo kasama ng ating mga espiritu na tayo'y mga anak ng Dyos, at kaya't mga may bahagi sa Kaniyang mga kayamanan kay Cristo Hesus (Romano 8:16; Efeso 3:6).
- Ibinibigay Niya sa atin ang kalayaan na lumapit sa Dyos sa Pagmamahal (Romano 8:15, 2 Corinto 3:17; 2 Timoteo 1:7).

Maari Kang Magkaroon Ng Pakikipag-Ugnayan Sa Banal Na Espiritu

Sa Juan 14:17, sinasabi ni Hesus na,

"Sa makatuwid baga'y ang Espiritu ng katotohanan: na hindi matatanggap ng sanglibutan; sapagka't hindi nito siya nakikita, ni nakikilala man siya: siya'y nakikilala ninyo; sapagka't siya'y tumatahan sa inyo, at sasa inyo."

Ang pagkakaroon ng pakikipag-ugnayan sa Banal na Espiritu ay ang kilalanin ang Kaniyang presensya at pahalagahan ang Kaniyang paglilingkod sa iyong buhay. Kailangan mo sa gayon na maglaan ng oras sa Kaniyang presensya na makipagkaisa sa Kaniya at makilala pa Siya bilang isang kaibigan. Maari kang magkaroon ng relasyon na ito sa

pamamagitan ng paglalaan ng oras upang magdasal, pag-aaral sa Salita at pagsunod sa mga pagdikta at utos ng Banal na Espiritu.

Kapag ikaw ay ipinanganak na muli, ikaw ay binautismuhan sa Espiritu ng Dyos. Ang mabautismuhan ay nangangahulugang lubusang inilubog sa isang bagay. Halimbawa, pwede kang kumuha ng gomang bola, at ilubog ito sa malaking batya ng tubig sa paraan na ang bola ay ganap na natatabunan ng tubig. Ito ang nangyayari kapag ikaw ay ipinanganak na muli – ikaw ay inilubog, gaya ng bolang 'yan, tungo sa Banal na Espiritu.

Ngunit alam mo ba, isang bagay para sa bola na matabunan ng tubig at isang magkaibang bagay naman para ito ay buongbuong mapuno nito at pati na rin na matabunan ng tubig. Upang ang bola ay mapuno sa loob, kailangang mayroong daan para ang tubig ay makapasok. Sa ibang salita, ang materyal

ng bola ay kailangang payagan ang tubig na dumaloy sa loob nito. Sa parehong paraan, kapag ikaw ay ipinanganak na muli, kailangan mong tanggapin ang Banal na Espiritu sa loob mo at maging puspos sa Kaniya.

Muli, ang pagiging puspos ng Banal na Espiritu av hindi pang-isahang karanasan na nagaganap minsan lamang sa buong buhay. Sa halip, ito ay isang patuloy, na araw-araw na karansan (Efeso 5:18). Ito ay umuugnay sa iyong kamalayan ng Kaniyang presensya at patuloy na pagkilala ng Kaniyang paglilingkod sa iyong buhay. Ikaw ay maaaring tuloy-tuloy mapuspos ng Banal na Espiritu, sa paglago mo sa iyong pakikisama sa Kaniya, sa pamamagitan ng papuri, panalangin, pag-aaral sa Salita at sa patuloy na pag-ayon sa Kaniyang mga pag-utos at pagdikta. Sa paraang ito, ikaw ay maaaring pamunuan ng Espiritu ng Dyos.

Pagsasalita Sa Iba't-Ibang Wika

Gaya ng nabanggit ko dati, ang Banal na Espiritu ay nagbibigay sa mga anak ng Dyos ng pagbigkas upang magsalita sa iba't-ibang wika. Ang isa sa mga tanda na kung saan ay sinabi ng Panginoon na lalakip sa mga magsisisampalataya ay magsasalita sila ng mga bagong wika (Marcos 16:17).

Ito ay isang espirituwal at katangi-tanging abilidad kung saan ang sumasampalataya ay nakikipag-usap ng direkta sa Dyos mula sa Kaniyang espiritu, at ito ay ibinigay sa'yo bilang isang kaloob sa pamamagitan ng Banal na Espiritu.

Ang pagsasalita sa iba't-ibang wika minsan ay tinutukoy bilang 'Pagdarasal sa Espiritu.'Kapag tayo ay nagsasalita sa iba't-ibang wika, tayo ay direktang nakikipag-usap sa Panginoong Dyos (1 Corinto 14:4) at ang ating

mga espiritu ay tumitibay o tumatatag (Judas 1:20). Ang ating mga espiritu rin ay pinalalakas at pinasisigla (Isaias 40:31).

Sa oras na natanggap mo ang Banal na Espiritu, maari kang magsalita sa iba't-ibang wika anumang oras na piliin mo. Hindi Siya nagsasalita sa pamamagitan mo, ngunit binibigay Niya sa'yo ang abilidad na magsalita. Kaya sige lang magpatuloy ka at kausapin ang Panginoon sa iba't-ibang wika sa tuwing ninanais mo.

Kapag ikaw ay nag-uumpisang magsalita sa iba't-ibang wika, ikaw ay magiging mas mahusay magsalita sa regular na pag-eensayo mo nito. Ito ay gaya lamang ng isang bata na kamakailan lamang nakapagsalita ng kaniyang iilang mga unang salita. Sa lalo pa niyang pag-eensayo sa pagsasalita, ay higit na mas huhusay pa ang pagsasalitang makukuha niya. Ito ay parehas sa pagsasalita sa iba't-ibang wika. Ito ay bagong wika, at bagaman hindi mo kailangang

matuto nito, nagiging mas mahusay ka sa iyong patuloy na pagsasalita.

At saka, sa iyong pagsasalita sa iba't-ibang wika ng madalas, pahuhusayin nito ang iyong espirituwal na paglago at pamumunuan ka tungo sa ibang mga kaloob at mga pagpapahayag ng Espiritu ng Dyos

KAILANGAN MO BANG PUMUNTA SA SIMBAHAN?

Sa Mateo 16:18, nagsalita si Hesus tungkol sa Kaniyang Simbahan, na kung saan ay ang Kaniyang Katawan sa lupa, at sinabing itatayo Niya ito at ang mga pintuan ng Hades ay hindi magsisipanaig laban dito.

"Sapagka't kung paanong ang katawan ay iisa, at mayroong maraming mga sangkap, at ang lahat ng mga sangkap ng katawan, bagama't marami, ay iisang katawan; gayon din naman si Cristo. Sapagka't sa isang Espiritu ay binabautismuhan tayong lahat sa isang katawan, maging tayo'y Judio o Griego, maging mga alipin o mga laya; at tayong lahat ay pinainom sa isang Espiritu. Sapagka't ang katawan ay hindi iisang sangkap, kundi marami" (1 Corinto 12:12-14).

Tayo ang katawan at si Cristo ang Ulo. Lahat ng mga Kristyano (ipinanganak na muli) ay mga miyembro ng Kaniyang katawan, at ng bawat isa (1 Corinto 12:27). At gaya lamang ng iba't-ibang bahagi ng katawan ng tao na hindi maaring gumana na nasa pagkakahiwalay, ang iba't-ibang mga miyembro ng Katawan ni Cristo ay hindi maaring gumana ng mabisa sa kani-kanilang sarili. Ito ay dahil ang Dyos ay ibinigay ang iba't-ibang mga kaloob at mga pagtawag sa mga miyembro ng Simbahan, upang ang kabuuan ng Simbahan ay maaaring makinabang (1 Corinto 12:18-24; Efesos 4:11-

12). Ang pagdalo o pagpunta sa Simbahan samakatwid ay bilang pagsunod sa kalooban ng Dyos, at nagdudulot sa atin upang pagpalain at patatagin ang bawa't isa kasama ng iba'tibang mga kaloob ng Dyos - mga himala, mga paggaling, mga propesiya at iba pa. Kaya mong matamo ang mas mahusay na pang-unawa ng Salita na itinuro, marinig ang mga testimonya at makita ang mga himala. Ang pagdarasal at pagsasamba sa Dyos ay nagdudulot ng 'corporate anointing' ng Banal na Espiritu, na naglilingkod sa bawat miyembro ng konregasyon sa isang tiyak na pamamaraan (Hebreo 10:25; Mga Gawa 1:14; Mga Awit 133:1-2).

Ang pamumuhay sa Salita sa iyong sarili lamang ay isang mabigat na gawain kapag ikaw ay hindi dumadalo sa isang puspos ng Espiritu na Simbahan. Gayunpaman, ang ganap na pakikilahok sa gayong Simbahan ay magdudulot sa'yo upang matuklasan pa ng higit ang tungkol sa Simbahan at sa kaniyang

mga miyembro. Ikaw rin ay may kakayahan upang palaguin ang iyong espiritu (ang iyong panloob na pagkatao) sa kaganapan o maturity. Ito'y mas magpapadali sa iyong pamumuhay sa Salita at maging mas produktibo.

Bilang isang Kristyano, kailangan kang makilala sa isang lokal na pagtitipon, isang Simbahan na maari mong tawagin na iyong TAHANAN at ganap na makilahok sa mga aktibidad. Kung hindi, inaalis mo ang iyong sarili sa mga masaganang pagpapala ng Dyos at mamumuhay ng hindi naaayon sa Kaniyang Salita.

Ngayong ikaw na ay ipinanganak na muli, mamuhay sa kamalayan ng kung sino ka at huwag pabayaan ang pagkakatipon ng mga banal (Hebreo 10:25) – Pumunta sa Simbahan!

PAGLAGO

Sinasabi ng Bibliya na sa pagdinig mo sa Salita ng Dyos, ang pananampalataya ay dumarating sa'yo. Nirerekomenda ko ang mga sumusunod na mga mensahe para sa'yong espirituwal na pag-unlad. Ang mga mensaheng ito ay dinisenyo upang ipakita sa'yo kung paano maging masagana at produktibo at magdulot sa pananampalataya na umusbong sa iyong puso na gawin mismo ang ganyan.

Kunin ang mga ito. Pakinggan ang mga ito. Isagawa ang Salita at tingnan ang pagbabagong – anyo sa iyong buhay.

To contact the author write: Pastor Chris Oyakhilome:

United Kingdom:

Unit C2, Thamesview Business Centre Barlow Way, Rainham, RM13 8BT Tel.: +44 (0)1708 556 604

South Africa:

303 Pretoria Avenue Cnr. Harley and Bram Fischer, Randburg, Gauteng, South Africa. Tel:+27-11-326 0971, +27-11-326 0972

Nigeria:

Christ Embassy Plot 97, Durumi District, Abuja, Nigeria.

Nigeria:

Plot 22/23 Billings Way, Oregun, Ikeja, Lagos. Tel: +234-808 586 5700,

> +234-817 198 7339 +234-802 478 9892-3

Please include your testimony or help received from this book when you write. Your prayer requests are also welcome.

OTHER BOOKS BY PASTOR CHRIS OYAKHILOME

- FROPHECY: UNDERSTANDING THE POWER THAT CONTROLS YOUR FUTURE
 - HOW TO MAKE YOUR FAITH WORK
 - PRAYING THE RIGHT WAY
 - THE POWER OF TONGUES
- THE GATES OF ZION
- JOIN THIS CHARIOT
- F DON'T STOP HERE!
- 7 THINGS THE HOLY SPIRIT WILL DO IN YOU
- 7 THINGS THE HOLY SPIRIT WILL DO FOR YOU
- WHEN GOD VISITS YOU
- HOW TO RECEIVE A MIRACLE AND RETAIN IT
- NOW THAT YOU ARE BORN AGAIN
- THE HOLY SPIRIT AND YOU
- * NONE OF THESE DISEASES
- THE OIL AND THE MANTLE
- YOUR RIGHTS IN CHRIST
 KEEPING YOUR HEALING
- THE PROMISED LAND
- * RECREATING YOUR WORLD
- RHAPSODY OF REALITIES DAILY DEVOTIONAL
- * RHAPSODY OF REALITIES TOPICAL COMPENDIUM (VOL 1, 2, 3, 4 & 5)
- HEALING FROM HEAVEN (VOL 1, 2 & 3)
- HOW TO PRAY EFFECTIVELY (VOL 1)
- THE POWER OF YOUR MIND